

IL CORS

Tresinte volums donâts des Bcc ae Biblioteche universitarie di Udin

Tresinte monografiis storic-economichis a son stadis ufiertis de Federazion des Bancjis di Credit Cooperatif dal Friûl Vignesie Julie ae Universitât dai studis di Udin. Une donazion che e inricjis la za structurade e biblioteche Universitarie eficiente che, vierte 22 agns indaûr, e svante la presince di plui di 80mil volums e 3mil periodics eletronicis cun 600 abonaments atifs.

«Chest al è un moment impuartant che al contribuiss a valorizâ il rapuart tra Universitât e teritori – al à afermât Gian Matteo Mazzocco, preside de Facoltât di economie intal ricevi la delegazion dal Credit Cooperatif – e o gracji di un tant la Federazion des Bcc pe sensibilitât dimostrade viers il nestri ateneu».

«Il jutori tra lis comunitâts che a operin intun stes teritori al è daûr a difondisi simpri plui», al à zontât Giuseppe Graffi Brunoro, president de Federazion regionâl des Bcc. «La formazion de future classe dirigjente dal Friûl Vignesie Julie nus sta tant a cûr, par chest la nestre colaborazion cu la Universitât e je continue cemût che dimostrât ancje dal inviament, tra pôcs dîs, dal quart Master in operadôr bancjari che al darà la oportunitât a une ventine di neolaureâts di miorâ la proprie formazion scolastiche par proponisi sul marcjât dal lavôr cun pussibilitâts plui grandis di colocament».

il Diari 13

AN V, NUMAR 16
14 DI OTUBAR 2010